

Sran mmla mun be men nun jo bole

Ibo bole

Ke o fin ke sran kwakwla i sran bule o fin blolo'n ti, ke i sran-mmla o nin sran kwakwla lie'n se'n ti, ke iso nin ye o nin foundi, nanwle atin, aklunjoe ba men nun'n ti

Ke o fin ke se be si'a sran-mmla mun, nan se be bu'a be like fi, i so nin ye o fa sa tete yewa'n ba'nti, sange ke o fin ke be seli ke men nga mo i nun sran mun be di be foundi, mo be kwla be kan be klunklo nde, be kwla be so be klunklo like, mo sekunle o nin yale b'a jaso su, i so men mo be wan sran kunde i dan'n ti

Ke o fin ke i dan lika nin ye le ke o fata ke mmla su awa ye o nian sran-mmla mun be su, ke o ko yo nan b'a mianmian-man sran nan w'a faman ya w'a jaso-man be nga be fa kwale nin sran tete yole be fa be tintin i su be wun'n ti

Ke o fin ke like nga o ti kpa dan ye le men mun b'afien janvwe kekle diwa'n ti

Ke o fin ke men unmuan nun nvle mun be yali be wan be kan be sie su yekun ke be te lafi sran-mmla su dan, sran o ti like dan, o le'a gua, bla nin yasua be se. Be wan i so'n ti, like nga ba ko yo nan sran mun b'a nyan alaje, nan aklunjoe w'a ba be wun, foundi nun, i so like nin ye be wa yo'n ti

Ke o fin ke nvle nga be wo anyia so nun, be wan be nin like nga be fle, ke "Men mun be Bo Yekun Anyia" be bo yekun be bo mandren nan sran i foudi o nin i sranmmla be kaci ninge mo sran kwakwla i ti wo be bo'n ti

Ke o fin ke nga o ti kpa dan ye le ke sran mun be ngba be fa be ti be wle sran-mmla o nin sran-foundi be bo'n ti

Anyia Dan wan ke Nde nga be ken ye'n, o fata ke o kaci ke like mo i denman ye sran kwakwla nian; men kwakwla be kunde be ken; o ye so nan men kwakwla su sran o, men kun i siesiele ninge mun, be bu Nde Dan nga i akundan cen kwakwla, be bo mandren o nin sran mun be fluwaklele, o nin ngwlele klele, be yo man sran mun be dan lika si sran-mmla o nin foudi; ke be ko si be kpokun be yo bleble, men kun nun o, men ngba nun o, man sran mun be ngba be si i so nde: men nga be trannin annuanze dan i ase be nun sran mun o, be nga be wo i sofue mun be bo'no, o fata ke i so sran mun be ngba be si sran-mmla o nin sran-foundi.

Tikle kikli

Sran mun be ngba, ke be wu be o, be ngba be se, foudi nun, sran-mmala nun. Be si akundanbu, be si su o fata ke sran mun be tran'n, be tran aniaan nun tranle.

Tikle 2

Sran-mmla o nin sran-foundi nga o wo Nde dan nun, sran kwakwla kwla fa ye ilie; o le'a ke e ti sran nvle ngunmin, ke e wunnen ti'a kun, e anien ti'a kun, e bo lika ti'a kun, e like sowa o ti i ngunmin, e politiki angundan ti'a kun, e fin'a lika kun, o le'a ke wie ti sikafue, wie ti yalefue, ke wie mun be osu ti wlengbi, wie mun be osu ti kanga.

I kungba yekun, be kwla'a kpaman sran mun be nun be se'ake nga ti bue nga su sran, nga be wun'en i lie wle'n kpa, be wun'an men nga su o fin o: be kwla'a be se'a so, kanze sran fin nvle ufle suo, se nvle so o le i foudio, kanze i ti wo men ufle i bo o, o nunmen i ti bo nun tile o.

Tikle 3

Sran kwalakwla, o fata ke be sese i nguan, be wuke i o di i foundi, be sese ibobo ba unmuan.

Tikle 4

Be kwla'a be fa-man sran be kaci'a kanga. Sran kanga yole nin i fati o nin i ninge i fa so mun be yowa, ba tanninnin be ngba be atin.

Tikle5

Be kwla'a be ye'a sran fi like tete mun, be wle-men i bisva, be kwla'a be yo-men i ninge nga mo o ye sran finfin, mo o kaci sran ke blo nnen mun be sa.

Tikle 6

Lika kwakwla nga sran kun wo, o fata ke be bu i sran, o fin i mmla su.

Tikle 7

Sran mun be ngba be se mmla mu be nyrun; i so'n ti, o fata ke mmla mun be wutu be su, be ngba. sran kwakwla, o fata ke be wuke i nan sran nun kpakpawa w'a nyen-men; sran nun kpakpawa o ti ke Nde nga i gblu towa sa.

Tikle 8

Sran kwakwla le atin o ko to iboboinvle su jole difuemun, se o fin nan be bu i anunnflin i foundi-mmla su, foundi-mmla nga be kleli i fluwa nga be fle i ke "men i takawa i bo fluwa".

Tikle 9

Be kwla'a be tra-man sran ngben sa, be kwla'a be wle-men i bisua, be kwla'a be tu-men i men kun su ngben sa.

Tikle 10

Se be sanman sran, nan ndrumun tran nun, nde nga ti ye be sanman i, o fata ke nzraa nun, nanwle nun, jole difue mun, be nga be ti nun-man sran fi bo'n, mo be ti nanwle sran, be ye o fata ke be ken i so nde lie nion: be ye be kwla se ke se o wo i nde fe su o, se kusuman, nzanman mo be sanmanin i, o ti atin su o.

Tikle 11

Sran kwla nga b'a senmen i nde kun ti, ke be nian kan nde mo be nian bu-man, i so fue'n be kwla'a se'a ke i nde yo'a fe. A wun ke be kwla be se so, san b'a di jole, be ngba be ngba be nyrun, ato a wlu'a nun, be nga be ko jren i sin i ti kplile b'a jran.

Be kwla-man be bu-man nde be gue'e sran kun su; se nde ti ye be senmen i, i nun nga o fa ye sa son, mmla wie fi, i nvle lie su mmla o, men nun mmla o, be bu'e i so like lie'n ke o ti like te. I ng'o wuka su, ye le ke alamandi nga be fu i, bisua nga be wle i, be nuan kwla'a tra-man nga be fa be yo i so titi'n

Tikle 12

Be kwla'a be wla-man be nuan sran kun i awlo nun nde mun be nun ngben, i awlo nun nde i tranwle, i fluwa nga o kle'n, i fluwa nga be kle i, be kwla'a be ken'en i wun nde ngben, be kwla'a be saci i dunman ngben. I so ninge lie mun be ti, o fata ke mmla mun be sasa sran kwakwla.

Tikle 13

Sran kwakwla o kwla wlanwlan sin, nvle kun nun, lika nga o klo ke o tran'n o kwla se ke wa ye n klo ke n tran.

Sran kwakwla o le atin mo o jaso nvle kun su ko lika nfle; o kwla jaso ibobo nvle lie'n su, kpokun o kwla se i sin o ba i nvle lie'n nun yekun.

Tikle 14

Sɛ nvle kun su be kle sran kun yalɛ, sran sɔ'n ɔ le atin ɔ kɔ mantan nvle ufue mɔ ɔ kwla sɔ i nun ɔn.

Sange i sɔ atin liɛ'n, wɔ nga a ye sa tɛtɛ mɔ ɔ kɔ-man Mɛn b'Anyia be ndɛ liɛ su'n, wɔ nga a ye i sɔ sa tɛ mɔ fata kɛ be sanman wɔ'n, sa kpa, a kwla'a a jɛn-mɛn i sɔ atin su kan-man ndɛ.

Tikle 15

Sran kwlakwla ɔ le atin mɔ ɔ nyen i auliɛ nvle

Be kwla-man be se-man sran kun kɛ, ɔ fin andɛ a le'a auliɛ nvle wie kun, i sa sɔ ngben; kusuman, sɛ sran kun wan ɔ kaci i auliɛ nvle, ɔ le atin kaci.

Tikle 16

Kɛ be kɔ nyin yasua kun ɔ nin bla kun, be le atin be ja be wun, be taka be awlo; ɔ fata kɛ ndɛ kɛ nvle ufle nun sran, mɛn ufle nun sran, like sɔwa wafa ufle sran, ɔ fata kɛ i sɔ angundan wlu nun. Be aja nun, be nyɔn be sɛ; be nun kun se'a kɛ ɔ tin kun su: i blɛ nga be ja o, kɛ be titi aja nun o.

A wun kɛ be ja'n, uun be nyɔn be nuan w'a yekun, be klun klo su.

Awlo bo ɔ ti kɛ ananganman like sa, yɛ ɔ ti nvle kun su sa i olui niɔn; ɔ fata kɛ nvle ɔ nian su kɛ i nyima sa, kɛ awa wuke i.

Tikle 17

Sran kwlakwla, i kungba anɛ, ɔ nin sran ufle mun anɛ, ɔ kwla le i ti bɔ nun like.

Be kwla'a le'a sran fi i ti bo nun like i sanun.

Tikle 18

Sran kwlakwla ɔ le atin mɔ ɔ bu i ti bo nun angundan, ɔ nyen i klun ndɛ, ɔ kwla sɔ i like wafa nga ɔ klo i'n; kɛ ɔ fin i lɛ kusuman, sɛ i wan ɔ kaci nan ɔ sɔ like ufle'n, sɛ i wan ɔ bu akundan ufle'n, ɔ le atin ɔ kaci. Sɛ i wan i klun akundan liɛ'n, i like sɔwa liɛ'n, sɛ i wan ɔ bo be jɔ, i ba kungba o, ɔ nin sran ufle mun o, ɔ le atin ɔ bo be jɔ; sɛ kusu i wan ɔ ye i like aswre nun, ɔ le atin yo. I kwlaa ngo'lɛ, ɔ kwla kɛ i fluwa nun, ɔ kwla yo like kwlakwla nga fata kɛ ɔ yo; sran fi kwla'a tannin i atin.

Tikle 19

Sran kwlakwla ɔ le atin ɔ bu i bɔbɔ ti bo nun akundan, ɔ kɛn i klun ndɛ nga i wan ɔ kan'n. I sɔ i sin yeɛ kɛ sɛ ɔ kɛn i klun ndɛ'n, be kwla-man be kle'ɛ i yalɛ; i sin nin yeɛ kɛ ɔ le atin kunde ndɛ mun be tilɛ; i kusuman kwla bo ndɛ ɔ nin nzebua mun be jɔ kle sran mun; like kwlakwla nga ɔ kwla fa bo i sɔ jɔlɛ liɛ, ɔ fa bo; ɔ nun-man i ti nun kaan kɛ awɛ wo nvle mun b'afien.

Tikle 20

Sran kwlakwla ɔ le atin ɔ nin sran ufue mun be ya anyia; ɔ kwla wlu anuanɛ nga ɔ ti'a nzajɛ anuanɛ nun.

Be kwla'a be mianmian-man sran kun ɔ wlu-man anuanɛ kun nun.

Tikle 21

Sran kwlakwla ɔ le atin mɔ, i bɔbɔ i nvle liɛ'n su, ɔ tran awa i juman be ti, sɛ nɛn i bɔbɔ trele sa, ɔ kwla yo i janunfue.

Sran kwlakwla ɔ le atin, nán ndrunmun kan tran nun, mɔ di i bɔbɔ i nvle'n su awa juman.

Nvle kun su i sran unmwah mun, be ye be man nvle sɔ i su gbengben be fangan. I sɔ'n ti, ɔ fata kɛ be yo manwlɛ nun vote, nan sran mun be ndɛ nga ɔ wo be klun, b'afɛ i sɔ b'a kan vote'n le nuan; kɛ i nuan kɔ ju'n, ɔ fata kɛ ɔ sɛn i wun; sran ngba vote o, aswre vote o; i kwlaa nga ɔ yo ɔ, vote i yowa, nan mianmianlɛ tran nun, sran kun i klun vote ye ɔ vote ɔ.

Tikle 22

Sran kwlakwla, kɛ mɔ ɔ ti nvle kun su sran'n, ɔ fata kɛ ɔ nyan awa sran anwukalɛlike, ɔ le awunnyanmblusɛ atin, awasranwukalɛ atin, be nyin su yiyilɛ ninge atin; i sɔ ninge mun ye be ti sran kwlaa cinjin, be ye be yi sran i sran lika nglo ɔ, be yo i foundi-mmla be dan; i sɔ'n fin nvle kun i mandrɛn bowa nun, ɔ fin mɛn mun be wun wukawa nun, ɔ fin nvle kun i siesiewa nun, ɔ fin nvle kun i nun anyanbewun ninge mun nun.

Tikle 23

Sran kwla ɔ le atin mɔ ɔ di i bɔbɔ i klunklo juman, juman i fa diwa ɔ nin i akatua be ti i klunsu; ɔ fata kɛ be nian i su, nan man ɔ tran sa ngben kɛ ɔ nyan-man juman

Sran kwlakwla i juman nga ɔ di, i su sika cɛ ye ɔ fata kɛ be mɛn i ɔ, ɔ le'a kɛ sran kun ɔ le i akatua, sran kun ɔ le i akatua

Sran kwlakwla, kɛ ɔ di juman'a ɔ fata kɛ i akatua nga be tuɛ i'n, ɔ ju i bɔbɔ, i yi ɔ nin i mma mun be wun siesielɛ kɛ ɔ fata kɛ sran fa siesie i wun sa. Sɛ akatua sɔ'n ju-man, awa wuka suc ɔ yo ye.

Sran kwlakwla ɔ nin i wiengu mun be kwla be taka jumandilɛ anuanɛ, sran kwlakwla ɔ kwla wlu i sɔ anuanɛ liɛ nun ɔ fa kpli i like nga ɔ lo i i ti.

Tikle 24

Sran kwlakwla, kɛ ɔ di juman'n, ɔ le atin ɔ lo unmiɛn, ɔ le blɛ wie ɔ ɔ yiyi i nyisu ɔ. ɔ fata kɛ dɔ nga mɔ ɔ fa di juman, nan ɔ cɛ ngboko; ye afue kun nun i blɛ mɔ ɔ di'a juman, ɔ fata kɛ be tuɛ i kalɛ.

Tikle 25

Sran kwlakwla ɔ fata kɛ i sa nun yo fɛ nan w'a kwla w'a ye i wun ayre, w'a kwla w'a siesie i wun, i bɔbɔ nin i yi nin i mma mun, kɛ ɔ ti kɛ alɛ dilɛ liɛ'n, tralɛ wlawa'n, lawlɛ'n, be wun ayre yeɛ'n, blɛ mɔ ɔ di'a juman'n, mɔ ɔ tɔ tukpakie'n, sɛ ɔ kwla'a nun'n, sɛ ɔ wo angbeti nun'n, sɛ w'a yo oke'n; sa yalɛ kwlakwla nga ɔ tɔ i su mɔ i sa nun a wie'n, ɔ fata kɛ awa wuke i.

Blata ɔ nin ba kangan mun, ɔ le be wukalɛ liɛ'n mɔ awa wuka be ɔ. Ba kangan kwlakwla, kanɛ be wu be gua su o, kanɛ be wu be aja nun o, be kwlakwla ɔ fata kɛ awa sasa be.

Tikle 26

Sran kwlakwla ɔ la atin mɔ be kle i fluwa. Sran fluwa kleɛ'n, kɛ ɔ fa ju kɛ sua blu su'n, sika tuale nun-man nun. ɔ fata kɛ ba kangan mun be ngba be kɔ suklu, be nun kun le'ɛ ti kɛ ɔ kɔ-man. Sukln nga be kle blalɛ juman nin juman dilɛ nun, i sɔ suklu'n, ɔ fata kɛ ɔ tru; suklu dandan mun be nun wlulɛ i atin, ɔ fata kɛ be tike man sran kwlakwla; be kpa'a sran mun be nun, sran kun ɔ nin i like liɛ mɔ ɔ kwla yo ɔ.

ɔ fata kɛ fluwa kleɛ ɔ yi sran i sran lika i nglo, ɔ yo man sran mun be bo nyan, ɔ yo man be nyin yi sran-mmla mun ɔ nin foundi-mmla nga ɔ ti foundi-mmla be bɔ'n. Fluwa kleɛ ɔ fata kɛ ɔ yo man ndidie ba sran mun b'afien, ɔ yo man sran mun be yaci sran kun nun ɔ yo i klunklo ninge, man janvue dilɛ ɔ ba mɛn mun b'afien, sran nvle mun b'afien, like sɔfue mun be wafa b'afien. Fluwa kleɛ i kungba yekun, ɔ fata kɛ ɔ man "Mɛn mun be Bo Yekun Anyia" be ninge nga mɔ be yo mɔ alajɛ kɔ ɔ mɔn nun.

Sie mun ɔ nin nien mun, be ye ɔ fata kɛ be kunde fluwa i kleɛ wafa nga ɔ nin be mma mun fata ɔ.

Tikle 27

Sran kwlakwla ɔ le atin mɔ, i nvle lie'n su ninge mɔ ɔ ti ke be nyin su yiyiwa ninge, be sa ti ninge, aguin ninge, ɔ le atin ɔ ye i so ninge wie, ɔ le atin ɔ di su wie; ɔ le atin ɔ wuka be yo be nyrun kole ninge mun; afin se mblusue fite su, ɔ le atin di wie.

Sran kun, se ɔ di i be nyrun, kole aguin juman, ɔ klei fluwa, ɔ di aguin nan se i duman fite su ɔ, i mblnsne fite su ɔ ti ilie.

Tikle 28

Sran kwla ɔ le atin ɔ kunde ke sran mun b'afie, men mun b'afien ɔ ye flɔlɔɔ, i so nan sran-mmla ɔ nin foundi nga be kan be nde Nde nga nun, b'a su mma.

Tikle 29

Sran kun, ɔ fata ke ɔ yo like men i nvle mɔ i nun ye i bobɔ ɔ kwla di i foundi, ɔ kwla bo nyan.

Sran i sran-mmla nin i foundi su dile ɔ le'a awielie ufle, san awielie nga i nve su mmla mun be sieli ke ɔ fata'a ke sran kun i sran-mmla nin i foundi su dile ɔ tannin sran ufle mun be lie atin. I so nin ye man be kwla fa atinندنman kpa su, aunje ɔ ba nvle nga mɔ i su kpen siele ɔ wo sran kwlakwla sa nun nun.

Sran-mmla nin foundi ng'ɔle be kwla'a fa-man be yo'a like fi mɔ ɔ kaci i sin si Men mun be Bo Yekun Anyia be atin lie'n

Tikle 30

Awa kun, sran akpasua, sran kun, be kwla'a be jran-man de nga i nun tre ba kun su be se'a ke be le atin mɔ be di juman wie, be yo ninge wie mɔ ɔ ti sran-mmla nin foundi nga be wo ye be sakiwa.